



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Antonii Bynaei de Calceis Hebraeorum Libri Duo**

**Bynaeus, Anthony**

**Dordraci, 1682**

Dissensus interpretum quisnam calceum extraxerit, an vindex an Boozus.

**urn:nbn:de:hbz:466:1-12835**

## 344 De CALCEIS HEBRÆOR.

non eo usque fuisset extensum, nimis impudens fuisset Ruthæ postulatum, neque Boozus eam laudasset, quod neminem alium fuerit secuta, sed illis, quibus debebatur ex jure redemptionis, se obtulerit, ut nomen defuncti in ipsa familia restitueretur. Hæc confirmat totius historiæ series, quæ ostendit ex jure redemptionis cuncta peragi. Ut frustra sint homines eruditissimi, qui ex lege de leviratu exponant. Quis enim non videt longe verisimilius de eo ritu five ceremonia hic agi, quæ olim adhibebatur in redemptione aut permutatione rerum, qua quis, in signum se cedere suo jure, calceum extrahebat, quam de ea calcei detractione, quæ locum habebat, cum levir viduam fratris sui duce-re recusabat.

XII. Sed hic non levis controversia est inter viros doctissimos, an ipse Boozus extraxerit suum calceum & dederit τῷ δεῖνᾳ, an vero ὁ δεῖνα calceum exuerit, & dederit Boozo. Alii enim sacri textus verba, *exuit calceum suum*, referunt ad Boozum, alii ad τὸν δεῖνα. Chaldaeus Paraphrastes

phrases de Boozo intellexit. פָּלֹעַ בְּשַׁעַר יְהוָה קָדֵם יְמִינָה וְקָדֵם לִידָה Et exuit Boaz chirothecam dextræ suæ, & emit sibi. Pariter Aben Ezra censet Boozum exuisse calceum suum, & dedisse propinquo tanquam pro hæreditate. Sed Vulgatus interpres eo sensu accepit, ac si propinquus extraxerit calceum, & dederit Boozo. Ita enim vertit: *dixit ergo propinquo Boaz, tolle calceamentum tuum: Quod statim solvit de pede suo.* Quod ipsum placuit Græcis interpretibus. Etiam, non tantum juris interpres, verum ipsi Hebraicæ literaturæ facile principes, hac in re sunt dubii. Censuit olim Johannes Drusius verbum *exuit* referendum ad Boozum. Constat enim, inquit, *hunc morem servatum fuisse olim etiam in commutationibus, cuius rei testis ille ipse locus.* Porro ut sit commutatio, necesse est, ut qui aliquid accipit, idem aliquid det. Hoc veteres declarabant verbo *Halaph*, quo usi sunt in hac re. Dabatur autem calceus dicis causa, sive pro forma, ut ita loquar. At in commentariis in Ruthæ historiam, quæ po-

Drus.

Quæst.

Hebr. l. r.

Quæst. 46.

P. 5.      8ea.

346 De CALCEIS HEBRAICIS.

stea conscripsit, aliter ipsi virum fuit. Quanquam incertum, inquit, quo haec pertineant, tamen quia sequitur, & dixit Boaz, videtur non absurde posse referri ad vindicem, qui calceum suum exuerit ac dederit Boozo. Sed fuit tempus cum existimarem habeberenda potius ad Boozum. Johannes Seldanus, qui hanc controvrsiam paucis attingit, etiam nihil definit.

Seld. de I.

N. & G.

l. 6. c. 5.

Cap.  
præced.

XIII. Licet vero non adeo facile sit tantas compонere lites, puto tamen detractionem calcei ad vindicem referendam, cum signum fuerit, eum cedere suo jure, quod habebat in possessionem quæ redimenda erat. Calceum fuisset signum dominii & juris, quod quis in rem aliquam habebat, atque inde natam eam consuetudinem, ut, ubi juris sive dominii celsio significanda esset, calceus extraheretur, superius docuimus. Unde necesse est, eum, qui jure suo cedebat, & dominium in aliud transferebat, calceum exuisse, ut illi, qui recusabat nuptias viduæ fratri sui, calceus extrahebatur in signum & testimonium eum privari omnijure,